

## *Universal Declaration of Human Rights - Baatonum*

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <http://www.unicode.org/udhr>.

---

### *Me tɔnun asaria yen adunia nɔɔsiabu*

#### *Garin tore*

*Nde mɛ ba doke mà tɔmbu kpuron bɛɛɛ ka ben asaria nerabu sɔɔra tii mɔru ka gem wɛɛbu ka sere si na ta tasa anduniaɔ,*

*Nde mɛ dunia sɔɔ tɔmba n̄ ki bu tɔ nun asaria ka yeru sariru dooru doke sere ba n ye tusa n dera daa kam ya dabia ma ya duniagibu daakari seeya. Yen sɔna yɛ tɔnu kanamɔ n kpuro kere yera ù wa u n tii mɔ kpa ù gere yè u bwisika, u tamaa doke kpa ù narùrabu ka yaaru biru ko,*

*Nde mɛ yè ya kere yera tem mi ba wooda swii bu tɔnum asaria nɔni doke, n wa tirasi yu ku wii deema ù ka tii yina yen sɔ ba wii yoru diisiamɔ ka ba wii takaasi mɔ,*

*Nde mɛ yè ya kere yera bu nɔɔsina ka bu bɔɔnu dam kɛ tem baa,*

*Nde mɛ tire te sɔɔ tem tɔm bè ba. Waa ONUN yigberu sɔɔ ba tɔnun asarian tii, win girima ka win bɛɛɛ, tɔn durɔ ka tɔn kurɔn nerabu (goo kun goo kere) kpam naanɛ kua. Ma ba yii bu (swaa kpee) ko nɛ tɔmbun waaru ta koo ka sosi, kpa bu waaru gɔsia doonɔɔrugiru mi tii mɔra kon kpa,*

*Nde mɛ tem ka tem mɛ mu, yigberu duuwa mɛ ka ONU ba mua bu ko mɛ ba koo ko bu ka tɔnun asaria ka win tii mɔrun tii girima doke,*

*Yè ya kere yera suam tem (tia) mɛ tɔnun asaria ka win tii mɔrun swaa sɔɔ, n wa mɛ ba yii ba nɛ ba koo ko bu yè ko mam mam.*

*Mennɔ bɔkɔ ge, ga yɔrasia ga nɛ:*

*mɛ tɔnun asaria yen andunia nɔɔsia bi bu saawa, gaa ni bweseru baatere ka tem baamere mu kasu mu naa, n wa tɔmbu kpuro, sɔm ko yenu ka yigbenu kpuro, b̄n n tɔnun asaria nɔɔsia bi bwisika bu asaria girima dokebu ka tii mɔru wuu swaa daasia ka keu sɔɔsibu ka sere bwisi sosibu. Kpa bu ko mɛ ba koo ko n wa kpure kpure ba aweren temɔ, bu girima doke bi ka tii mɔɔ te sua, kpa bu ka sɔm buru ko wuu si su waa yigbɛ te sɔɔn tɔmbun tii ka tem mɛ ba mɔ min tɔmbu sɔɔ.*

#### *Damba 1*

*Ba tɔmbu kpuro marawa ba tii mɔ, ba nɛ, girima ka saria sɔɔ. Ba ra bwisiku, ba dasabu mɔ, ma n weene ba n waasine mɛrobisiru sɔɔ.*

#### *Damba 2*

*Baawere ko kpi u sariaba ka tii mɔɔ ni ba kpura min baruka digoo kun tuko, bwesera, wasin gɔna, durɔwa, kurɔwa, politikin beragia, n kun mɛ bwisikunu gana.*

*Yen biru, n n̄ koorɔ bu tem ka tem wunana politiki ka wooda swaa sɔɔ. Kà da tem min di tɔnu yarima, mu tii mɔnu mua, mu n̄ mɛ ro.*

#### *Damba 3*

*Tõnu baawere u waarun saria mɔ ka tii mɔru, ka sere mɛ ba koo wii yina.*

#### *Damba 4*

*Ba n̄ goo yoru muamɔ, bu sere wii dendi. Ba yoru diisiabu ka yoru muaba yina.*

#### *Damba 5*

*Ba n̄ goo takaasi mɔ, ba n̄ ma goo nɔni swaaru sɔɔsinɔ, bu sere goo nuku kɔsuru, ka sanani ka ma sere yɛ n̄ n̄ weene bu tɔn wundeko ni kuaa siimaa ko.*

#### *Damba 6*

*Baawere asaria mɔ yan kpuro bu wii tuburi ù n siribun tɔnu.*

#### *Damba 7*

*Tɔmbu kpuro ba nɛwa woodan bera (swaa sɔɔ) n maa weene tii yina bi ba ko ka be yina, bun saa tia bu ku goo suu wuna, n da ma ba saria ye sara, bu ka wa bu be taki di ka bu be nɔɔ kuuri be kpuro wooda ya ko be ganɛ.*

#### *Damba 8*

*Tõnu baawere u saria mɔ ù win tem siru ye feagiru faaba kana ma ba wi toraa swɛɛ yi sɔɔ wooda ya wi nɔɔ ka.*

#### *Damba 9*

*N n̄ korɔ bu tɔnu yɔrasia, bu wii nua n kun mɛ bu wii tem yara.*

#### *Damba 10*

*Tõnu baawere u saria mɔ, naa nɛbu wɔlluyee, ù win mem gere bu nɔɔ dee dee samaan nɔni, kpa siri yeru te ta n̄ gɔnnu ka yaa murenamɔ, tu wunana ù n gem mɔ, yɛ n̄ win baa ka win tirasi, tora te ba ma wi waasi tà n̄ gem, sirikobu bu asaria ko.*

#### *Damba 11*

*1. Tõnu wi ba toraru waasi, ma ba n̄ gina ten see da nɔma tura, yen yero kun gina gɛɛ mɔ. Bà n koo wi siria n saria mɔ u goo kasu wi u koo ka wii yina.*

*2. N n̄ weene bu tɔnu taarɛ wɛ yèn sɔ u gaanu kua n kun mɛ yèn sɔ u gaanu duari ni nu n̄ waa toraru ka asarian swaa sɔɔ, sanamɛ u ni kua Yen biru, n̄ n̄ weene bu yero taarɛ wɛ ya n̄ kpaaru kere nde yɛ ba ko raa wii wɛ saa ye u tora.*

#### *Damba 12*

*Tɔnun waarun gari, win yenu win nɔɔsina ka win berusebu ya n̄ goo wa. Mena maa n̄ n̄ weene bu tɔnu beere biasia kam sɔɔ. N weene asaria yu ka tɔnu yina ka kookoo si sa sia mi.*

#### *Damba 13*

*1. Tõnu baawere u saria mɔ ù da mi u ki, kpa ù win yenu bani win temɔ.*

*2. Tõnu baawere u saria mɔ ù tem gam n di see, ka da win tin tem, u koo ma kpi ù wure ù wuraa mi.*

#### *Damba 14*

1. Bà n tɔnu takaasi mɔ̃, u saria mɔ̃ ù waayeru kasu tem gam gia, kpa ù tem min baruka di.

2. Ba ñ kpe bu asaria ye gbiisia ma ba seeda kua ba wa mà u torawa. N ñ maa koorɔ bu asaria ye gbiisia ma win kookoosu kun saa dee dee n de me yigbe baka te ONU ya yii.

#### Damba 15

1. Tɔnu baawaren sariawa u n saa tem gam tɔnu.

2. Ba ñ goo yinarimɔ̃ u n saa tem gam tɔnu, bu sere wii yinari ù tem sweyna.

#### Damba 16

1. Saa tɔnu saa gaa tura, ba ñ bweseru garu, tem gam tɔndu, gusu nɔ saaru garu suu wune, tɔn kurɔ ka tɔn durɔ ba saria mɔ̃ bu suana kpa bu bibu ma. Ben saria ya ne wa suanaan swaa sɔɔ.

2. Be ba ki bu suana sere bu gina nɔɔsina n kun tirasi.

3. Sa seewa sa tɔnun bweseru deemawa tem mi, bwese tera ta gbiiya n ma weene bu ka tɛ yina.

#### Damba 17

1. Baawere, a, wi turowaa a be dabinaa, u kon win baa mɔ̃wa.

2. Ba ñ kpe bu tɔnu win gaanu wɔrari ka dam.

#### Damba 18

Tɔnu baawere u ayeru mɔ̃: ù bwisiku nde me u ki, u n dasabu mɔ̃, kpa ù gusunɔ sa; aye te ta dera u koo kpi ù gusunɔ saaru garu deri ù garu swii, nde me u koo kpi ù gusunɔ saa wi turo, n kun me sannu sannu, samaan wuswaaɔ n kun me win beraɔ nde me u ki.

#### Damba 19

Tɔnu baawere u saria mɔ̃ ù gere me u wa, u kun nande, kpa ù gari ka dabaaru yè u nua tem pusi me u kpia ka mi u ki.

#### Damba 20

1. Tɔnu baawere saria mɔ̃ ù menno ka yigberu kó ta kun naanaanu ganu mɔ̃.

2. Ba ñ goo tirasi mɔ̃ ù yigberu garu du.

#### Damba 21

1. Tɔnu baawere u saria mɔ̃ ù win tem tɔmbun wunanɔsu sɔɔ du ù n ki win tii tii, n kun me ù sɔmɔbu gabu wuba bé u ki bu wi wunana.

2. Tɔnu baawere koo kpi ù samaa sɔmburu (bature sɔmburu) ko, nde me ba yen kpuna yii.

3. Me samaa ya yii mi sɔɔra tem dam mu tasa. Swaa ye sɔɔ ba ko n da tete to, taki sari, sanam ka sanam, tɔmbu kpuron nɔni biru n kun me bɔkusaa, bu ku goo tirasi ko u ka goo tete toowa.

#### Damba 22

Tɔnu baawere u saria mɔ̃ u nɔm keru wa, mi win baa ya waa kpuro. Ka win tem kookari, ka mi nɔɔsina yè ya waa ka tem tukun dam, n wa win waaru tan girima mɔ̃.

*Damba 23*

1. Tɔnu baawere u saria mɔ̀ ù sɔm buru ko, ù gɔsi te u ki, ka ten yè ta mɔ̀ n koo ka wi naawa keru wa sɔmburu tà n ra yɔra gasɔ.
2. Tɔmbu kpuro, ba kɔsia teeru mɔ̀ bu mua saa ba ka sɔm bwese te eru mɔ̀
3. Wi u sɔmburu mɔ̀ kpuro u saria mɔ̀ ù kɔriaru mua mɛ n weene, sere tu wi win yenugibu turi mɛ ba kon ka waaru dimɔ̀ dee dee, n koo koora buka be yina.
4. Tɔnu baawere u saria mɔ̀ wi ka gabu bu sɔm kowobun yigbɛ te ta ra ka be yinɛ swii, kpa bu kpan yigbɛ merosu sɔɔ du si su ko nda ka be sunɛ.

*Damba 24*

Tɔnu baawere u saria mɔ̀ ù wera, u dwee, ù sɔmburu ko u ku saka sarasia, kpa ù weraru ka kɔsiaru giru mau sanam ka sanam.

*Damba 25*

1. Tɔnu baawere u saria mɔ̀ ù waaru diisina mɛ u koo ka win bwaa dobu, win bwe, ka win yenugibugia nɔɔri, nde dianun bera, yanu waayeru, dokotoro tim. Win sɔmburu tà n yɔra, ù n bara ù n yemɔ̀ kua, ka sere yè u mɔ̀ yà n buera n kun ka win gɔru kiru, u saria mɔ̀ nɔm kerun yigberu tu wii dera.
2. Yɔɔniru ka biru ta saria mɔ̀ bu te nɔɔri gem gem. Kuro wi na ka kuro kpaaru mɔ̀ win bibu, ka wi na n ka kuro kpaaru mɔ̀ n bibu, be kpuro somi tee tera ba ko be ko.

*Damba 26*

1. Tɔnu baawere weene ù keu ko. Keu ya weene bu ye ko n kun ka gobi, n n man kere keu dii piibinugia. Kei dii piibinunkeu ya saa tirasi. Keu nɔman sɔm mɛeribu gia ka gbankɔkɔ sɔm mɛeribugia n weene bu n saa tɔmbu kpurongia, saa ba ka yen saka tura.
2. Yè tɔnu kasu keu sɔɔ yera bwɛɛ dora, n wa tɔnum asaria ka win tiin mɔrun nɔni dokebu bu dam sosi. Keu ya weene yu somi mɛ nɔɔsina, suuru, ka kiru ta kon ka waa tem kpuro, bwese wuunu kpuro n kun mɛ gusunɔ saarugibun mi. Kpa yu kpam yigbɛ baka te ba soka ONU somi ten wɔri sɔɔ mè ta koo ka sina sɛɛru swii andunia sɔɔ.
3. Biin tundo ka biin mero ba ayeru mɔ̀ bu ben bibu keu doke swaa yè ba ki sɔɔ.

*Damba 27*

1. Tɔnu baawere koo kpi, dwee bi tɔmba mɔ̀ ù bi du ma u ki, kpa ù bin baruba di. Tɔnu baawere koo kpi ù kasoo sɔɔ du kpa ù yen arufaani di.
2. N weene su ka tabu yari, n wa wi u kasoo mɔ̀ (gaanun gɔsiabun bera, tire yoran beran) ù yen arufaani di.

*Damba 28*

Tɔnu baawere u saria mɔ̀ ù ko mɛ u koo ko, tɔmbu sɔɔ ka tem tukumɔ̀, baayere ya n ka nɔɔ nɛ saria ka tii mɔ̀ tèn gari ba kpara mi sɔɔ kpa tɔmbu ka yè sɔmburu ko.

*Damba 29*

1. Tɔnu, tirasi, sɔmbura, wi yiiye ù samaa kua domi mi sɔɔra u ko win baayere siisia mɛ u ki.

2. Tɔnu à n asaria ka tii mɔru mɔ a n maa winsingia geriti, a n tii ye n wa goo ù ku ka googia menna kpa wuu gu ka sina sɛɛ. Ba nɛ mi be tɔnun ayera yɔra, mi n dia googiru ta torua.

3. Saria be ka tii mɔɔ te, ye kpuro, ba ñ ka yo sɔmburu mɔ bunanam. Nde me yigbe bakate ONU ya yii mesuma ba koo sua.

*Damba 30*

Yè ka yè ba yii tɔnun asarian bera mi baasi, kpunaa gaa ka kookoosu gasu maa sari, si ba koo tusia nenem, tem gam, bu ka saria ka tii mɔɔ te ba kpura mi kpeera - sia pai.

---